
*LE CHAPITRE DES GRECS,
contenant soixante versets,
escriit à la Meque.*

AV Nom de Dieu clement & misericordieux. Je suis Dieu tres-sage. Les Grecs ont esté vaincus sur la frontiere des Perles, mais ils seront victorieux avant la fin de sept années, Dieu dispose de toute chose depuis le commencement iusques à la fin : lorsqu'ils seront victorieux les vray-croyans se resjouiront de la victoire que Dieu leur donnera, il protege qui bon luy semble, il est tout-Puissant & misericordieux : il leur a promis la victoire, il ne contrevient pas à ses promesses, ce que la plus grande partie des hommes ne connoist pas, ils aiment la vie de ce monde & ne considerent pas leur fin, ne considereront-ils pas que Dieu a créé les Cieux & la Terre? & tout ce qui est entr'eux? & a ordonné à toute chose vn temps prefix & limité? Certainement la plus grande partie du peuple ne croid pas en la resurrection: ne considereront ils pas la fin de ceux qui les ont precedez qui estoient plus puissants & plus riches qu'eux? Dieu a enuoyé à tous vn Apolstre pour leur enseigner saloy, il ne leur a point fait d'iniustice, ils se sont fait tort à eux mesmes par leur iniquité, la fin des meschans sera semblable à leurs œeuures, ils mes-

prisent les commandemens de Dieu & se moquent
 d'eux, mais Dieu les fera mourir & les fera ressusciter,
 & tous seront assemblez deuant luy au iour du iuge-
 ment, ce iour ils seront desesperes, leurs Idoles n'in-
 tercederont pas pour eux, ils les abandonneront &
 seront separez des vray-croyans. Ceux qui croient
 en Dieu & qui font de bonnes œures, iouyront
 des delices du Paradis, & les impies seront chastiez
 selon leurs demerites. Loüe Dieu, prie-le soir &
 matin, loüange luy est deuë au Ciel & en la Terre,
 prie-le auant que le Soleil se couche & à l'heure du
 midy; il fait sortir le mort du vif & le vif du mort, il
 fait reuiure & verdoyer la terre aride apres sa mort,
 ainsi il vous fera ressusciter & sortir des monuments:
 c'est vn signe de sa toute-Puissance de vous auoir
 creez de terre, de vous auoir donné chair & os, & d'a-
 uoir creé la femme (de la coste de l'homme) pour ha-
 biter avec luy, il a commandé de vous entr'aimer &
 d'exercer la charité entre vous, ces choses sont signes
 de sa toute-Puissance à ceux qui considerent ses gra-
 ces. La creation du Ciel & de la Terre, la diuersité
 des langues, la difference de vos visages & de vostre
 teint, la nuit créée pour reposer & le iour pour tra-
 uailer, l'esclair qui effraye le peuple, & qui par la
 pluye fait reuerdir la terre, sont des signes de sa tou-
 te-Puissance: c'est vne marque de sa toute-Puis-
 sance de soustenir le Ciel & la Terre; Vous sortirez des
 monuments lorsqu'il vous appellera, tout ce qui est
 au Ciel & en la Terre luy obcit, il fait mourir & fait
 res-

ressusciter les hommes, il est seul Dieu au Ciel & en la Terre, il est tout-Puissant & sçait tout; il vous parle par parabole tirée de vous-mesmes. Vos valets sont ils vos compagnons? partagent-ils esgallement avec vous les biens que Dieu vous a donnez? comme direz-vous donc que Dieu a vn compagnon esgal à luy? l'explique ainsi ses misteres aux personnes qui les sçauent comprendre, certainement les impies ont suiuy leurs appetits avec ignorance: qui cōduira celuy que Dieu fera deuoyer? il ne trouuera point de protecteur; Embrasse la loy de salut, Dieu l'a estably pour l'a faire obseruer aux hommes, elle ne reçoit point d'alteration, mais la plus-grand' partie du monde ne le connoist pas: craignez Dieu, faites vos oraisons au temps ordonné, ne soyez pas semblables à ceux qui disent que Dieu à vn compagnon, ny semblables à ceux qui sont à present au nombre des heretiques, & qui estoient auparauant des vostres; chaque secte se plaist en ses opinions, lorsqu'il leur arriue quelque mal ils inuoquent Dieu & se conuertissent, neantmoins vne partie d'entr' eux retournent en leur idolastrie apres auoir receu sa grace, ils sont des ingrats, ils seront tolerez quelque temps, & à la fin ils connoistront trop tard leur erreur: leur auons-nous enseigné des raisons & des arguments qui preuent que l'ay vn compagnon? le peuple s'est resioüy lors que nous luy auons eslargy nos graces, & s'est desesperé lorsqu'il luy est arriué du mal, ne voyent-ils

pas que ie donne & oste le bien à qui bon me semble? c'est vn signe de mon vnité à ceux qui obeissent à mes cōmandemens. Dōnez à vostre prochain ce qui luy appartient, & particulieremēt aux pauvres & vray-croyans si vous desirez voir la face de Dieu, ceux qui le feront seront bien-heureux. L'argent que vous prestez à vsure augmente entre la main des hommes, Dieu ne le fera pas prosperer, les aumosnes que vous ferez vous feront voir la face de sa diuine Maiesté, & vous seront renduës au double. Dieu vous a creé, il vous enrichit, il vous fait viure, mourir & resusciter, vos idoles en peuuent-ils faire autant? Louïé soit Dieu il n'a point de compaignon, le desordre a parû en la terre & en la Mer à cause des pechez des hommes, peut-estre qu'ils se conuertiront lorsqu'ils sentiront la punition de leurs crimes: Dis leur, cheminez en terre & considerez la fin de ceux qui vous ont precedez, la plus grande partie estoit idolatre, embrassez la veritable loy auant que le iour vienne que personne ne fera exaucé, ce iour les meschants seront separez des bons, les impies rendront compte de leur impieté, & ceux qui auront bien vescu iouïront des ioyes de Paradis, la grace de Dieu sera leur recompense, Dieu n'aime pas les infidelles. C'est vn signe de sa toute-Puissance d'enuoyer les vents pour vous annoncer la pluye, & de vous faire gouster les fruits de sa grace, le nauire court sur l'eau par sa permission pour l'auantage de vostre commerce, ne le re-

mercierez-vous pas de ses bienfaits ? Nous auons enuoyé a chaque nation des Prophetes & des Apostres auparauintoy, ils sont venus avec des preceptes tres-intelligibles & avec plusieurs miracles, nous auons chastiez ceux qui les ont dementy, & auons protégé les fidelles. Dieu enuoye les vents qui esleuent les nuës, & les estendent en l'air en plusieurs pieces à sa volonté, il en fait tomber la pluye où il veut, & en résiouy qui bon luy semble de ceux qui l'attendent avec impatience, considere les effets de sa bonté, il fait reuerdir la terre seche & aride, il ressuscite les morts, il est tout-Puissant. Nous auons enuoyé les vents pour assembler les nuës qui ont couuert les hommes de leur ombrage, neantmoins ils sont retournez en leur impieté: les morts ne t'entendront pas ny aussi les muets, tu n'es pas obligé de conduire les aueugles, personne ne t'escouterà que ceux qui croiront en ma loy & qui me seront obeissans: dis leur, Dieu vous a créés foibles, il vous a donné de la force, & apres vous a remis dans la foiblesse de la vieillesse, il fait ce que bon luy semble, il sçait les secrets des hommes & fait tout ce qu'il veut, les meschans iureront au iour du iugement qu'ils n'ont demeuré qu'une heure dans leurs tombeaux, ils mentent de la façon lorsqu'ils nient la resurrection, les vray-croyans qui sçauent la verité leur diront, vous y auez demeuré le temps ordonné dans le liure de Dieu, sçauoir iusques au iour de la resurrection, voicy le iour de la resurrection,

vous ne scauiez pas en quel temps il deuoit arriuer, auourd'huy les excuses seront inutiles aux infidelles, ils seront priuez de protection. Nous auons enseigné dans l'Alcoran tout ce qui est vtile pour le salut du peuple, si tu enseignes aux hommes mes commandemens les infidelles diront que tu n'apporte que le desordre : ainsi Dieu endurcit le cœur des ignorans. Prends patience & perseuere ce que Dieu promet est infailible, garde que les incredules n'ébranlent ta perseuerance.

*Les Turcs
disent que
Locman
estoit un
grand Do-
cteur qui
uinoit au
temps de
David.*

LE CHAPITRE DE LOCMAN,

contenant trente-quatre versets,

escriit à la Mecque.

AV nom de Dieu clement & misericordieux. Je suis Dieu tres-Sage. Ces preceptes sont les preceptes du liure remply de doctrine, il conduit au chemin de salut les gens de bien qui font leurs prieres au temps ordonné, qui payent les decimes, & qui croyent au iour du iugement, ils sont conduits par leur Seigneur & seront bien-heureux. Il y a des personnes qui se moquent de ce liure, ils se deuoyent ignoramment de la loy de Dieu, & l'a mesprient, mais ils en seront vn iour rudement chastiez : Lorsqu'on leur enseigné les commandemens de Dieu ils tournent le dos avec orgueil, ils ne les